

# ESWATINI

kusukela  
asemncane

kwemntfwana

kutfola  
imfundvo

TIHLOKO LETILANDZELANAKO TE-ECCE 6  
**TIMISO NETICONDZISO**  
tetikhungo te-ECCE  
2020





## TIHLOKO LETILANDZELANAKO TE-ECCE

**K**unakekela umntfwana kusukela atalwa adzimate abe neminyaka lengu-8 budzala, Kunakekelwa Kwemntfwana Kusukela Asemncane kanye Nemfundvo, lokuphindze kwatiwe ngekutsi yi-ECCE, “kuhloselwe kutsi kukhulise umntfwana ngalokuphelele kutenhlalo, ngekwemvelo, ngekwemcabango kanye nangetidzingo temtimba kuze kwakhiwe sisekelo lesicinile nalesenabile sekufundza ngemphilo yonkhe kanye nekunakekeleka” (UNESCO). Akusiko nje kulesigaba sekuphila kuphela lapho kukhuliswa kwemuntfu ngamunye kuyintfo lebaluleke kakhulu khona, kodwa nendzawo lebatungeletile inemtselela lomkhulu. Ngako kuyintfo lebalulekile kutsi umntfwana ngamunye akhone kutfolo imfundvo lesezingeni lelisetulu futsi lelinganako, kunakekelwa, imphilo, kondliwa lokunemphilo kanye nekuvikelwa.

Ngalokuhambisana nemgomo longu-4.2 Wemgomo Wekutfutfuka Lokungashabalali 4 loshoko kutsi nga-2030, kufanele kucinisekwe kutsi onkhe emantfombatane nebafana bayakhona kutfolo kukhuliswa ngelizinga lelisetulu kusukela basebancane, kunakekelwa nekutfolo imfundvo yasekhulisa kuze balungele imfundvo yasemabangeni laphansi”, i-IBE-UNESCO, iniketwe ligunya lekusekela Emave Langemalunga kuletifundvo tekutfutfukisa, yenabise “Tihloko Letilandzelanako te-ECCE”. Letincwadzi takhiwe ngekuhlanganisa emathulusi, tinchubomgomo nekwenza tintfo ngendlela lekahle ku-ECCE kuhlanganise nemphumela wemisebenti ye-IBE kulenzima. Ngako injongo yeletinhlelo letilandzelanako ikuhlanganyela loko lokwentiwako ngendlela yekutsi kufakwe sandla emphumelelweni yekukhula kwebantfwana babe banikwa emathulusi ladzingekako latabenta babe takhamuti letikahle naletingetsejwa esikhatsini lesitako.

Tihloko letilandzelanako te-ECCE kufanele titsatfwe njengaleto letingemathulusi ekusebenta, laphilako, lavulekile, latimphepha letishintjashinjako letihloselwe kukhutsata labo labakha inchubomgomo nabochwephesha Ekukhuleni Kwemntfwana emmangweni, ekwakheni tifundvo letincono naletinemandla (emathulusi, tifundvo, inchubomgomo yetimphepha kanye nenchubo yekucecshwa) umgomo loyinhloko wato ube kunika bantfwana ematfuba lancono eminyakeni yabo yebusha.

Umcondzisi  
Mr Yao Ydo  
y.ydo@unesco.org

Umchumanisi walephrojekthi  
Mr Cristian Fabbi  
c.fabbi@unesco.org

Umhleli walelicembu  
*Dr Ntombenhle Dlamini*, Umcondzisi Wetemfundvo  
*Ms Gwendoline Simelane*, Umhloli Lomkhulu we-ECCDE  
*Ms Yethu Ntuli*, Umhleli Wetifundvo ECCDE

Kucaphuna:  
UNESCO-IBE (2021),  
*Timiso kanye Neticondziso tekusungulwa kwekugadwa  
kwekukhula kwemntfwana kumnakekela, kutfutfuka kanye  
nemfundvo (ECCDE),*  
Geneva, UNESCO-IBE

Imidvwebo  
Mr Fabio Lucenti

Luhlelo lwa-February 2021



Supported by  
دبي العطاء  
Dubai Cares

# ECCE

TIHLOKO LETILANDZELANAKO TE-ECCE 6

## **TIMISO NETICONDZISO**

tekusungulwa kwekugadvwa  
kwekukhula kwemntfwana  
kumnakekela, kutfutfuka kanye  
nemfundvo (ECCDE)  
December 2020





## Setfulo nge-IBE

**K**ungesikhatsi seminyaka yebusha babo lapho bantfwana batfola khona imfundvo lebalulekile letabenta batfole emakhono latawuba nemtselela elikusaseni letimphilo tabo. Kungako intfutuko kanye nemfundvo letfolakala ebusheni isetinhlityweni te-IBE. Kutfutukiswa kwe-Timiso kanye Neticondziso ku-ECCE kukhombisa timiso letivamile te-IBE kanye neteLive lasEswatini, lokukuhlonishwa kwemalungelo emntfwana kanye nekukhula kwakhe kusukela ekutalweni. Kwentiwa ngokocobo kwaletimiso leticashelwa bantfu bonkhe kungakhutsatwa ngekutsi kuhlonishwe emasiko emntfwana kulenchubo yekufundza, njengekusebentisa lulwimi lowalumunya ekufundziseni tifundvo.

Kuletimiso leticashelwa bantfu bonkhe, letinye tato tibalulekile futsi tikhuluma ngaloko lesikwentako. Loku kufaka ekhatsi kusebentisa lulwimi lowalumunya njengelulwimi lwekufundza, insayeya ye-IBE, kusebentela kuumusha letifundvo letikhombisa loko lokulindzelwe sive sasEswatini.

Lenye indzawo lebalulekile yekungenelela kwe-IBE kusekela iMibuso ekusebentiseni emasiko kanye netifundvo letihambisana nawo kuto tonkhe tigaba tetemfundvo. Ngalokuhambisana nemathulusi lasezingeni leliphakeme etemfundvo netinhlelo temfundvo, ledokhumenthi Yetimiso Neticondziso te-ECCE, ngalokuhambisana neLive lasEswatini kanye netimiso temhlaba wonkhe endzabeni yekufundziswa kwemntfwana asemncane nekunakekelwa kwakhe. Ngako, Timiso Neticondziso te-ECCE tihloselwe kutsi tibe lithulusi lelicuketse tindlela letitawuba tikhombo tesikhungo se-ECCE. Lokungumphumela wekusebentisana ngemphumelelo emkhatsini we-IBE kanye neliTiko Letemfundvo Nekucessha, leTimiso Neticondziso te-ECCE tiphindze tisetjentiswe kucacisa kutsi ngubani lotawufaka sandla ekuphumeleleni Kwemgomo Wekutfutuka Longashabalali 4 nga-2030 kuze bonkhe bantfu batfole imfundvo lesezingeni lelisetulu.

Njengoba ngitihalalisela ngesibonelo lengisibekile sekusebenta ngekubambisana emkhatsini we-IBE neliTiko Letemfundvo Nekucessha, ngifisela bonkhe labasebentisa Timiso kanye Neticondziso kutsi batisebentise kahle.

Mr. Yao Ydo  
Umcondzisi we-IBE





## Setfulo Ngekunakekelwa e-Dubai Cares

**K**unakekelwa Kwemntfwana Kusukela Asemncane kanye Nemfundvo (ECCE) kuyincenye lebalulekile yemgomo Wekunakekelwa e-Dubai kucinisekisa kutsi bantfwana nebantfu labasebasha labaswele bayakhona kutfolo imfundvo lesezingeni lelisetulu nematfuba ekufundza. Sikholelwa kakhulu endzimeni ledlalwa yi-ECCE ekukhutsateni bantfwana ngalokuphelele kutenhlalo, ngekwemvelo, ngekwemtimba, nekucondza intfutuko. Ngeluhlelo lolucinile lwekubambisana, ngekusekelwa kuze ucwaninge, kumelelwa, kanye nemapulathifomu emhlaba wonkhe, sihlose kwakha tinhlelo temfundvo letibeketelako naletisimeme ngebufakazi lobusekelwe ekungeneleleni lokugcile ekwakheni emandla nasekuciniseni loluhlelo.

Siyajabula kubona imiphumela lecinile lebe khona ngenca yekubambisana ne-UNESCO International Bureau of Education (IBE-UNESCO). Kubaluleka kwekusekela lekwentile kulamave lamane langephansi kwalokubambisana (Laos, Rwanda, Cameron nEswatini) ngetulu kweminyaka lemine, kuphumele ekwakheni sibonelo lesicinile, ticondziso, emathulusi e-M&E, nendlela yekuletfwa kwe-ECCE. Ngetulu kwaloko, lenye incomphamlandvo yalesinyatselo kwakukwakiwa kweluhlaka lokutsiwa yi-Holistic Early Childhood Development Index (HECDI), leliniketa tinkhomba kanye netinhloso kuze kunakwe kukhula kwemntfwana, futsi loku kungentiwa kokubili eveni nasemhlabeni wonkhe.

Sikholelwa ngalokucinile kutsi letifundvo letilandzelanako kanye nemathulusi lesiwakhako kutawufaka sandla kulolwati lolukhona ku-ECCE futsi kwatise kokubili bodokotela kanye nalabo labakha inchubomgomo; hhayi nje kuphela emaveni latsite lahlanganisiwe kulokubambisana, kodvwa nemave labuke kutsi acinise luhlaka lawo lelikhona lwe-ECCE netindlela letisetjentiswako. Siphindze setsemba kutsi lesinyatselo sitawakha litfuba lekutsi kube nenkhulumo ncociswano ledzingekako, nalehambisanako futsi lesebentisanako letawuba khona kokubili esigabeni saseveni nakulamanye emave nekutsi lamanye emalunga ahlangane asebente ndzawonye kuze acinisekise kutsi i-ECCE isenzaweni lekahle kulenchubomgomo nakulokwentiwako.

Umhlonishwa Dr. **Tariq Al Gurg**,  
Uphatsi Lomkhulu e-Dubai Cares  
and Lilunga Lebhodi Yebacondzisi



# Umlayeto lobuya eTiko Letemfundvo Nekucesha Eswatini

**K**ukhishwa Kwetimiso Telve Tekunakekela Tinzawo Tebantwana ngulesinye sinyatselo Hulumente lasitsetse kuze acinisekise inhlalakahle lencono, lephephile, nalenemphilo yebantwana. Loku kuyintfo lebalulekile kuHulumente ngoba bantwana balikusasa lalelive.

Njengobe siliTiko Letemfundvo Nekucesha, sikholelwa ngalokucinile kutsi kunakekelwa kwemntwana nekutsi atfole imfundvo asemncane kubaluleke kakhulu emmangweni wetfu futsi kungumtswalo waHulumente. Kubaluleke kakhulu kutsi kuphepha nekukhula ngendlela lekahle kwebantwana kube khona kuze kutfutukise kukhula nekunakekelwa kwebantwana kuhlangukise nekweindeni yabo. Ngenca yaloko, Timiso Telve tentiwe ngenjongo yekutsi titfutukise kunakekelwa kwemntwana kubantwana bakulelive.

Letimiso tetfulwa sinembono ngekutibophelela ekunakekeleni umntwana nasekutseni atfole imfundvo ngelilungiselelo leKunakekelwa Kwemntwana Kusukela Asemncane Kutfutuka kanye Nemfundvo (ECCDE).

Kuze kufinyelelwe timiso letisezingeni lelisetulu Hulumente angeke akhona kutifinyelela ayedwana. Bonkhe labahilelekile, ikakhulukati batali, kudzingeka kutsi bafake sandla kulenchubo. Litiko letemfundvo nekucesha liyaciniseka kutsi lobhukwana utawusita batali nalabo labanakekela bantwana kutsi badlale indzima yabo kakhudlwana ekucinisekiseni kutsi labo labaletsa tintfo letitawuba lusito kubantwana babo baletsa tintfo letisezingeni lelisetulu futsi letifanele leyo njongo.

Hulumente utibophelele kuze akhutsate umbono lomusha ngebantwana njengentfo lebalulekile ekuphileni elungelweni labo hhayi ngenjongo yekubalungiselela imphilo ngesikhatsi seabahlile. Kufanele sivumele bantwana kutsi bakhona kufinyelela lizinga leliphakeme ekuphileni kwabo ngekutsi banikwe tintfo letifanele letingabasita kanye netinzawo letisezingeni lelisetulu labangafundza kuto.

LeliTiko liyaciniseka kutsi letimiso nangabe tilandzelwa titawufaka sandla ekutfutukiseni imphilo yebantwana.

**H. E. Lady Howard Mabuza**  
LiTiko Letemfundvo Nekucesha  
Eveni LasEswatini



# Sandvulela

## Timiso Letihlobene

Letimiso tentiwe taba khona kuze kucinisekiswa kutsi bantfwana, batali kanye nemmango bayazuza kuto. Tentiwa kucatjangwa ngetidzingo tentfutfuko kanye netemfundvo tebantfwana labangephansi kweminyaka lesitfupha budzala.

Letimiso tibhekwa njengaleta letibalulekile kuze bantfwana banakekelwe ngendlela lesezingeni lelisetulu, kuze kukhutsatwe futsi kutfutfukiswa tidzingo tabo temtimba, temivelo, tenhlalo, kanye netemcabango. Tihloselwe kuvikela loko lokubalulekile emntfwaneni, kwenta umsebenzi ube melula kanye nekulinganisela emndenini futsi tifaka sandla ekubumbaneni kwemmango.

Bantfwana kuyabafanela kutsi batfole kunakekelwa lokusezingeni lelisetulu kuze bakhulu kahle. Nangabe batali bakhetsa kusebentisa letindzawo lapho banganakekelwa khona, kubalulekile kutsi labantfu labaniketwe umsebenzi wekunakekela bantfwana bawentisise lomsebenzi futsi bagcine netimiso letibekiwe kuze kucinisekwe kutsi bantfwana baphatseke kahle futsi bavikelekile. Letimiso kulindzeleke kutsi tisebente ngendlela lefanako etikhungweni tekunakekela bantfwana letise-ECCDE, etikolwani tekudlala, emakamelweni lasetjentiswa bantfwana labancane naletinye tindzawo letinakekela bantfwana labaneminyaka lesukela ku-0 kuya kulengu-6 budzala.

Kuto tonkhe letindzawo, batali kufanele baciniseke kutsi bantfwana babo banakekelwa bantfu labafanelekako, endzaweni lekahle futsi kwentiwa imisebenzi lekahle nalehlele kahle.

## Kusebentisa Timiso Telive

Silapha kuze setfule timiso tekunakekela umntfwana kuloko lokulindzelekile endzaweni lenakekela umntfwana. Letimiso titawusita kokubili labo labanekekelako nebatali kutsi bati kutsi yini lelindzelekile futsi lekahle endzaweni lapho kunakekelwa khona umntfwana kuze umntfwana anakekele kahle. Letimiso tiniketa labo labanakekela Umntfwana umbono waloko lokulindzelekile kubo ekunakekeleni kahle umntfwana. Labo labanakekela umntfwana baba setfubeni lekutsatsa tinyatselo letidzingekile kuze bahambisane netimiso telive.

Letimiso tikwenta kucace kutsi konkhe lokuphatselene naletinsita kufanele kuholelele batali nebantfwana ekuzuzeni elusitweni lolusezingeni lelisetulu. Timiso Telive Tekunakekela Umntfwana tiniketa luhlaka lwekuhlola nekubuka lizinga lemphumela yalabo labaniketa lusito.

## 1. Ngutiphi Timiso Telive Tetinsita te- ECCDE?

Timiso Telive Tetinsita taseNkhulisa nga-2020 tiluhla letitatimende letingasetjentiswa kahle. Letimiso tibekwe kuze kucinisekiswe kutsi tisetjentiswa ngelizinga lelisetulu kuto tonkhe tindzawo lapho kunakekelwa khona umntfwana tisetjentiswe ngendlela lecacile nalokulula kuyicondza. Letimiso tihlelwe liTiko Letemfundvo Nekucessha.

## 2. Iyini Injongo yeTimiso Telive?

Timiso Telive tiyinchazelo nelithulusi lelisicondziso ekusungulweni kwetikhungo te-ECCDE. Injongo ikusita letindzawo letiniketa lusito kutsi tichaze lenchubomgomo futsi tinikete ticondziso letisebenta kahle.

## 3. Kungani tibaluleke kakhulu?

Letimiso tiniketa sicondziso tekwenta tintfo ngendlela lekahle onkhe malanga futsi kufanele tibe lithulusi lelibalulekile kuto tonkhe tindzawo lapho umntfwana anakekelwa khona, tihlanganyelwe ngulabo labasebenta kuleto tindzawo nebatali. Tikhapha luhla lwetindlela letikahle tekwenta tintfo ngalokuhambisana naloko lokukhulunywa ngako kulenchubomgomo. Letindlela tiphindze tivete imininingwane lokudzingeka kutsi ibe khona ngelilanga lokutawuhlolwa ngalo lenkhulisa ihlolwa nguMphatsi wayo.

## 4. Ngubani lotsintsekako ngaLetimiso Telive?

- » Tikhungo Letinakekela: 0-3 weminyaka
- » Tinkhulisa: 3 -5 weminyaka ( Tasemangweni naletu Letitimele )
- » Libanga 0: 5-6 weminyaka
- » NCP

## 5. Loku kutawuba namuphi umtselela kuletinzawo letiniketa lusito?

Letimiso kufanele tibe yincenye lebalulekile yaloko lokwentiwako onkhe malanga. Ngetulu kwaloko, ngesikhatsi sekwenta luhlolo kulenkhlisa baphatsi batawuhlola loko lokwentiwako futsi bangase bafune bobhukwana labasemtsetfweni.

H. E. **Lady Howard Mabuza**

Litiko Letemfundvo Nekuceedesha

Eveni LasEswatini





# Lokungekhatsi

SETFULO NGE-IBE .....	7
SETFULO NGEKUNAKEKELWA E-DUBAI CARES.....	9
UMLAYETO LOBUYA ETIKO LETEMFUNDVO NEKUCECESHA ESWATINI ..	11
SANDVULELA.....	13
TIFISHANISO.....	20
TINCHAZELO TEMAGA.....	21
SANDVULELA.....	23
INJONGO NEBUBANTI BALETICONDZISO .....	23
LUHLOBO LWETIMVUME KU-ECCDE .....	23
INCHUBO YEKUBHALISA .....	24
KUPHINDZE UBHALISE .....	25
EMAKILASI.....	25
KUDLALA NETINTFO TEKUFUNDZA .....	26
INDZAWO YEKUDLALA NGEHANDLE .....	27
IMITHOYI .....	27
EMANTI NEKUHANJISWA KWEMANGCOLISO .....	28
TINHLELO TEKONDLA .....	28
KUPHEPHA NEKUVIKELEKA KWEBAFUNDZI LABASE-ECCDE .....	29
THISHELA/UMNTFWANA SILINGANISO.....	30

LOKO LOKUDZINGEKAKO KUBOTHISHELA BE-ECCDE .....	30
INCHUBO YEKUTFOLA EMALANGA EKUPHUMULA KUZE UYOBELEKA NALAMANYE EMALANGA EKUPHUMULA .....	31
UMHLALAPHANSI .....	31
TIFUNDVO KU-ECCDE KANYE NEKUFUNDZISA .....	31
LUHLELO LWANGELILANGA NGELILANGA .....	32
EMAKOMIDI E-ECCDE .....	32
IMISEBENTI YALEKOMIDI .....	33
BATALI .....	33
KUHLOLA .....	34
TEMPHILO NEKUDLA LOKUNEMPHILO.....	34
KUSATJALALISWA KWETIKHUNGO TEKUFUNDZA TE-ECCDE .....	34
EMALANGA EKUPHUMULA NEMAHOLIDI .....	35
LUHAMBO LWEKUVAKASHA.....	35
NAKA LOKU.....	35



## Tifishaniso

ECCDE	Kunakekelwa Kwemntfwana Kusukela Asemncane Kutfutfuka kanye Nemfundvo
MOET	LiTiko Letemfundvo Nekucessha
NCP	Tinzawo Letibomakhelwane Tekunakekela
PPE	Tintfo Temuntfu Tekutivikela
REO	Emahhovisi Etemfundvo Etifundzeni
COVID- 19	Sifo se-Corona Virus sanga-2019

## Tinchazelo Temaga

Umnakekeli	Ngumuntfu umsebenti wakhe lokukunakekela ngalokucondzile, kuvikela nekugadza Bantfwana.
Sikhungo Sasemangweni Se-ECCDE	Sikhungo se-ECCDE lesingayenti inzuzo lapho umphakatsi unesitsakatelo kuloko lokwentekako.
Sikhungo Se-ECCDE Lesitimele	Sikhungo se-ECCDE lesenta inzuzo.
Umphakatsi	Ngummango Lonashifu.
Inkhundla	Sifundza lesakhiwa ngimiphakatsi leminyenti/Boshifu.



## Sandvulela

**S**ikhungo se-ECCDE yinzawo lenakekela iphindze ifundzise bantwana labaneminyaka lengephansi kwalesitfupha (6) incenye yelusuku noma incenye yebusuku. Umuntfu lonakekela bantwana labangetulu kwalabasitfupha kufanele abhaliswe. Loyo muntfu kufanele afake sicelo sekubhaliswa eTiko Letemfundvo Nekucesha. Lokubhaliswa kucala Emahhovisi Etemfundvo Etifundzeni (REO), lapho kutfolakala khona emafomu ekubhalisa. Tonkhe tikhungo letiniketa lusito lwe-ECCDE kubantwana (labana-0-6 weminyaka) kufanele tibhaliswe ngalokufanele eTiko Letemfundvo Nekucesha.

## Injongo nehubanti baleTicondziso

**L**etimiso neticondziso tiniketa sisekelo sekwakha timo letidzingekako tekuniketa imfundvo endzaweni lenemphilo kubafundzi, bothishela nakulabanye bantfu.

## Luhlobo lwetimvume ku-ECCDE

- » Tikhungo Tekunakekela Bantwana Labancane: 0-3 iminyaka
- » Inkhulisa: 3 -5 iminyaka ( Emmangweni nasetindzaweni Letitimele )
- » Libanga 0: 5-6 iminyaka
- » NCP

## Inchubo yekubhalisa

**T**icondizo tekusungulwa kwetikhungo tingalendlela lelandzelako:

- » Faka sicelo sekubhalisa ku-REO yakho, lapho utawutfola khona emafomu neteluleko tekubhalisa. Sicelo kufanele sibe naloku lokulandzelako:
  - › Incwadzi lebhaliwe nalegunyatiwe lebuya Emphakatsi (lesayiniwe yagcotjwa nesitembu) noma incwadzi lebuya Kumasipala, Etikhungweni letengamele.
  - › Imininingwane yakho (inombolo yamatasi wakho, likheli lakho kanye netinombolo takho telucingo).
  - › Likheli lendzawo kanye nelikheli leliposi lesikhungo se-ECCDE.
  - › Ticu lonato, emakhono nesikhatsi lonaso wenta lomsebenti.
  - › Inchazelo yetinhlelo netinsita letitawuniketwa, kuhlenganise netinhloso.
  - › Ikhophi lengokocobo legunyatiwe yeluhlelo lwekwakha.
  - › Sitifiketi semvume (ikakhulukati nangabe lesikhungo se-ECCDE sitimele).
  - › Luhlelo lwebhizinisi
    - Libhizinisi/ema-awa ekusebenta.
    - Imali yesakhiwo.
    - Kwakheka kwetisebenti.
    - Inchubomgomo yekucondzisa tigwegwe.
  - › Umtsetfo sisekelo:
    - Ligama lesikhungo.
    - Kwakheka, emandla kanye nemisebenti yebaphatsi.
- » Incwadzi yesicelo lebhalelwe Lihhovisi Letemfundvo Esifundzeni kufanele ihambisane nencwadzi lebhaliwe futsi yagunyatwa Emphakatsi (lesayiniwe yagcotjwa nesitembu) noma Kumasipala (Etikhungweni letengamele)



- » Tonkhe ticelo kufanele tifike ehovisi nga-June 30 tangemnyaka lolalenzelako.
- » Umhloli Lomkhulu we-ECCDE nebhaphatsi betifundza kufanele basebente leticelo nga-September 30.
- » Tonkhe letindzawo kufanele ticala kusebenta nga-January kuze tihambisane nekhhalenda yesikolwa.
- » Sikhungo ngasinye kufanele sibe khashane nga- 2km nesikhungo lesesivele sisebenta (etindzaweni tasemakhaya) bese kutsi etindzaweni tasemadolobheni sibe khashane ngemamitha langu-700.
- » I-MOET kufanele ilawule futsi igadze tonkhe tikhungo te-ECCDE.
- » I-MOET kufanele ibe nemandla ekuvala tikhungo letingawulandzeli umtsetfo.

## Kuphindze ubhalise

**K**ufaka sicelo sekuphindze ubhalise kutawudzingeka nangabe:

- » Nitfutsa lenkhulisa niyiyisa endzaweni lensha leseyikhashane ngemamitha langetulu kwalangu-500.
- » Nishintja bunikati noma baphatsi Balesikhungo.
- » Naniphindze nivula inkhulisa leyavalwa.
- » Nanishintja ligama lenkhulisa.

## Emakilasi

- » Bukhulu lobuvamile belikilasi le-ECCDE kufanele bube ngu-8 m x 6m kuze likwati kungenisa bantfwana labangu-25.

- » Nangabe lesikhungo sisendlini, leyondlu kufanele:
  - › Isetjentiselwe kuphela kuniketa tinsita te-ECCDE.
  - › Ikwati kufaka umntfwana munye kumitha yesikwele.
  - › Ingabi nato tilwane letifunywako.
- » Ibe yindzawo lengena kahle umoya.
- » Lesakhiwo kufanele sakhiwe ngetitini, futsi sifulelwe kahle, sifakwe kahle emafasitelo, iminyango, siyilo futsi (kufakwe emamethi nangabe kudzingeka) sivikele bantfwana esimeni selitulu lesibi.
- » Kufanele ibe netitulo letiyisayizi lelingana bantfwana namatafula.
- » Bonkhe bantfwana kufanele bakhone kungena emakilasini kufaka ekhatsi nalabo labanetidzingo letikhetsekile.
- » Kufanele kube netintfo nekubambelela letiseceleni kwalapho kuhanjwa khona, futsi tibambo temnyango tibe phansi.
- » Ingabi nesiyilo lesishelelako.

## Kudlala netintfo tekufundza

**T**ikhungo te-ECCDE titinzawo tekukhulisa nekusekela kukhula kwabo bonkhe bantfwana labancane. Tonkhe tikhungo te-ECCDE kufanele tibe netinzawo tangekhatsi netangehandle tekudlala kanye netintfo tekufundza.

- » Letintfo tekudlala kanye netekufundza kufanele tihambisane neminyaka yabo futsi tibe nguletitfutfuke ngendlela lefanele, tibe nguletenele, letiphephile kuze bafundzi bavikeleke engotini.
- » Letintfo kufanele tilungiswe nasekufike sikhatsi futsi tinakekelwe.

## Indzawo yekudlala ngephandle

- » Lenzawo kufanele ifakwe fenisi futsi ibe neligede lelikhiywako kuze bantfwana batewuvikele
- » Kufanele ibe netintfo tekudlala ngephandle tebantfwana labafuna kukhula ngalokuphelele.
- » Kufanele kube yinzawo lephephile levumela bafundzi kutsi bahambe ngekukhululeka kube bete lokubalimatako.

## Imithoyi

- » Sikhungo se-ECCDE kufanele sibe nemithoyi yebafana neyematfomatana (lelungiselelwe ngalokukhetsekile bafundzi labasebasha). Bantfu labadzala batawuba neyabo imithoyi.
- » Imithoyi yemigodzi kufanele ibe ngemamitha lamabili kushona phansi bese iba khashane ngemamitha langu-10 emtfontjeni wemanti.
- » Umthoyi munye ube wematfomatana langu-25.
- » Umthoyi munye nenzawo yekuchamela yinye kube kwebafana labangu-50.
- » Imithoyi kube lula kufika kuyo –ingabi khashane ngemamitha langetulu kwa-30 kubo bonkhe labayisebentisako.
- » Kube ngimithoyi lengasetjentiswa bantfwana.
- » Imithoyi ihlale ihlantekile ngaso sonkhe sikhatsi.
- » Imithoyi ibe nenzawo lokulula kugeza kuyo tandla ledvutane.

## Emanti nekuhanjiswa kwemangcoliso

**E**manti lenele kufanele abe khona ngaso sonkhe sikhatsi. Kufanele kube nendzawo lenekwetsenjelwa lapho kutfolakala khona emanti, ibe nensipho ikakhulukati emithoyi nesemakhishini. Emanti empompi, emathange kanye nemabhakede kungasetjentiswa kuze kube nemanti etinkhulisa.

- » Kunatsa nekuhlanteka kwemuntfu ngamunye.
- » Emanani Elilanga Ngalinye:
  - › Emalitha langu-5 umuntfu ngamunye.

## Tinhlelo tekondla

- » Letindzawo kufanele tinikete bantfwana kudla lokungenani kanye ngelilanga nangabe umntfwana atawuba kulenzawo ihhafu yelilanga, bese kutsi kulabo labatawuba kulenzawo lilanga lonkhe iphindze ibanikete lokunye kudla lokulula.
- » Bantfwana kufanele baniketwe kudla emapuledini lehlukene noma etintfweni tekudlela letifanele.
- » Labo labaphekako kufanele batfole kuceceshwa lokusisekelo lokuphatselene nekugcina kudla nekukupheka.
- » Labo labaphekako kufanele baniketwe timphahla tekutivikela (PPE).
- » Kufanele balandzele ticondziso tebapheki letiku-MOET.

## Kuphepha nekuvikeleka kwebafundzi labase-ECCDE

**N**galokuhambisana nekuphepha netimiso tekuvikeleka, tonkhe letikhungo te-ECCDE kufanele:

- » Tibe neluhla lwetinombolo telusito loluphutfumako letinanyekwe ebondzeni.
- » Tibe nemathulusi ekucisha umlilo lalungele simo; sibonelo, tigubhu tekucisha umlilo, emabhakede lagcwele sihlabatsi, tingubo noma emanti.
- » Tibe netintfo Telusito lwekucala. Ngulabo kuphela labacecshiwe ngelusito lwekucala lokufanele banikete bantfu emaphilisi kuletintfo telusito lwekucala.
- » Tifakwe fenisi.
- » Batali nabothishela kufanele baciniseke kutsi bayanamatsela eluhlelweni lwekufika nekuhamba kwebantwana.
- » Lenzawo kufanele ngaso sonkhe sikhatsi igcinwe ihlantekile futsi iphephile.
- » Tintfo tekuhamba letiletsa tiphindze tilandze bantwana kufanele tibhaliswe nebantfu ngabanye labaletsa futsi balandze umntwana kufanele babhaliswe.
- » Tingavumeli kutsi imoto levulekile ihambise bantwana labaku-ECCDE ibayise futsi ibalandze esikolweni.
- » Tingavumeli kutsi bafundzi bahambe ngetintfo tekuhamba letinemafasitelo lamnyama.
- » Timbonye onkhe emasokhethi agesi.
- » Tivalwe ngekucondziswa ngumeluleki wetemphilo nangabe kunelusongo lwekutsi kungenteka kube nesifo lesitawubhedvuka.
- » Tikhutsate bonkhe bafundzi labahlangene noma lokusolwa kutsi bahlangene nemuntfu lonesifo lesitsatselwanako (sibonelo; emadlala, simungumungwane, intsebutane, incubulunjwane, sifuba sengati, umkhuhlane wetingulube, COVID 19) kutsi kufanele ahlale ekhaya aze atfole kwelashwa.
- » Ticeseshe bonkhe bafundzi kutsi bangayitsintsi ingati yalomunye umuntfu, bangabelani ngetintfo leticijile noma tintfo tekusika.

- » Tiwashe onkhe emabhodo emthoyi, tifulo nemithoyi kufakakwe nemitsi yekubulala emagciwane nasewusetjentsiwe.
- » Tihlante indzawo yemthoyi, lokufaka ekhatsi emasinki, lakugezwa khona tadla, nalawuhlala khona emthoyi nawutikhulula.
- » Tikolobhe siyilo onkhe malanga.
- » Tiwashe ikhaphethi kanye nemamethi ngensipho nangabe kungcolile.
- » Imininingwane yemfundzi ibe khona ngaso sonkhe sikhatsi, sibonelo; ibhalwe kubobhaki babo futsi kufakwe neminingwane yekuchumana nebatali bato.

## Thishela/umntfwana silinganiso

1	Ngephansi kwa-2 weminyaka	1:4
2	2-3 Weminyaka	1:10
3	3-4 Weminyaka	1:15
4	5-6 Weminyaka	1:25

## Loko lokudzingekako kubothishela be-ECCDE

- » Kufanele abe neminyaka lengetulu kwa-18 budzala.
- » Kufanele kube ngumuntfu lonesitifketi ku-ECCDE.
- » Kufanele abe acecehiwe ku-ECCDE esikhungweni lesigunyatiwe.
- » Kufanele kube ngumuntfu lonengcondvo lehlutekile.
- » Kufanele kube ngumuntfu lowatiwa bantfu lokucinisekwako ngabo lokungabutwa kubo

kutsi uyakhona yini kukhatsalela bantwana labancane.

- » Lote lirekhodi lemacala.
- » Kufanele kube ngumuntfu lonemakhono ekukhulumisa bantwana nebantfu labadzala.
- » Kufanele ahloniphe emasiko alabanye bantfu endzaweni lakuyo.

## Inchubo yekutfole emalanga ekuphumula kuze uyobeleka nalamanye emalanga ekuphumula

**K**ufanele kulandzelwe imitsetfo yetisebenti.

## Umhlalaphansi

**I**minayaka yemhlalaphansi kufanele iladzelele imitsetfo yetisebenti.

## Tifundvo ku-ECCDE kanye nekufundzisa

- » Yisilabhasi legunyatiwe kuphela ku-ECCDE letawusetjentiswa etindzaweni tekufundza te-ECCDE.
- » Kufundza ku-ECCDE kufanele kulandzele indlela lefanele.

## Luhlelo lwangelilanga ngelilanga

- » Kufanele kube neluhlelo lwaloko lokutawentiwa ngalelo langa lunanyekwe ekilasini.
- » Loluhlelo kufanele lulandzelwe, futsi kufanele luvumelane nekuhlukahlukana lokukhona emkhatsini webafundzi.
- » Ngaso sonkhe sikhatsi kufanele kuvunyelwe kutsi kube nesikhatsi sekwenta tintfo letivamile letifaka ekhatsi kuwasha, likhefu, kuphumula, kudla kudla lokulula, kwekhweta tintfo tekudlala.
- » Bantwana kufanele baphumule emaminitsi langu-30/45, nangabe kuluhlelo lalo lonkhe lilanga.

## Emakomidi e-ECCDE

- » Tonkhe tikhungo te-ECCDE kufanele tenganyelwe yikomidi.
- » Ikomidi ye-ECCE kufanele ibe nemalunga lasikhombisa lalandzelako:
- » Sihlalo
- » Lisekela Lasihlalo
- » Mabhalane (Thishela)
- » Umphatsi wetimali
- » Emalunga lengetiwe lamabili
- » Labamelele Shifu/Tiphatsimandla Tenzawo
- » Lokungenani emalunga lasihlanu kufanele kube batali bebantwana labafundza kulesikhungo se-ECCDE. Lothishela kufanele kube ngumuntfu lowake waba sesikhundleni.
- » Kuze umhlangano uchubeke kufanele kube nemalunga lasihlanu alekomidi.



- » Tikhungo tekufundza te-ECCDE letihambisana netikolwa temabanga laphansi kufanele tibe nalotimelele ekomidini yesikolwa yemabanga laphansi.

## Imisebenti yalekomidi

- » Isekela itfutfuko yetikhungo tekufundza te-ECCDE futsi ikhutsate imetamo yekufinyelela lizinga leliphakeme.
  - › Ngijo levuma kutsi kutawubhadalwa malini.
  - › Incoma tisebenti letitawucashwa kuMhloli wesifundza.
  - › Igunyata imali letawusetjentiswa kuloyo mnyaka.
  - › Ihlela futsi isite ekucokeleleni timali.
- » Iyaciniseka kutsi emabhuku etimali nemarekhodi kuyagcinwa. Libhuku letimali kufanele emalunga eliTiko Letemfundvo nebatali balihlole.
- » Ikhutsata bothishela kutsi baye etindzweni lapho baceceshwa khona futsi ibasekele nangabe kudzingekile.
- » Isebenta esigabeni sekuniketa seluleko emibonweni lokucatjangwa kutsi itawutsandvwa sikhungo se-ECCDE futsi iphenye imibono kanye netikhalo letibuya kubatali, nangabe kudzingekile itiletse kumhloli wesigodzi.

## Batali

**B**atali kutawulindzeleka kutsi bahlanganyele emikhakheni leyehlu kahlukene yaloko lokwentiwako ku-ECCE:

- » Njengoba babameleli kumtali/thishela nakumakomidi asemangweni, bawuba nemtfwalo wekutfutukisa nekutenta tisebenta letikhungo tekufundza te-ECCDE.

- » Njengoba babantfu labati kancono ngetikhungo te-ECCDE ngalokuphatselene nemasiko, tekungebeleka naletinye tintfo letifanana naletfo.

## Kuhlola

**I**mitsetfo yekuhlola sikolwa kufanele isebente.

## Temphilo nekudla lokunemphilo

- » Tonkhe letindzawo kufanele tinikete bantfwana kudla kwasekuseni lokunemphilo.
- » Ngelilanga lekubhalisa, bonkhe bantfwana kufanele baletse sicinisekiso sekutsi bayjovile imijovo yekugoma (likhadi lekugoma).

## Kusatjalaliswa kwetikhungo tekufundza te-ECCDE

- » Litiko Letemfundvo kufanele likhutsate kusatjalaliswa ngendlela lefanele kwetikhungo tekufundza te-ECCDE.
- » Letikhungo te-ECCDE kufanele tikhweshelane nga-2 km kulenye etindzaweni tasemakhaya bese tikhweshelana nga-700m etindzaweni tasemadolobheni.

## Emalanga ekuphumula nemaholidi

**E**malanga ekuphumula kanye nemaholidi kufanele ahambisane nalawo lakukhalenda yelive.

### Luhambo lwekuvakasha

- » Tsatsa luhambo nangabe sekugunyate Indlunkhulu
- » Timoto kuphela letinemshuwalensi lokufanele tihambise bantfwana.
- » Ciniseka kutsi ukhona lomelele batali.
- » Kute umntfwana lokufanele abe seluhambweni lesikolwa umtali/lomnakekelako angati.
- » Lokungenani kufanele kube khona munye umntfu lomdzala lohamba nalelicembu loceceshiwe Ngelusito Lwekucala.
- » Tintfo telusito lwekucala kufanele tibe khona.
- » Iminingwane yekuchumana nakuvela simo lesiphutfumako kumntfwana ngamunye kufanele ibe khona.

### Naka loku

**Lemitsetfo kufanele igcinwengito tonkhetikhungote-ECCDE eveni. Letisemmangweni naleto letisetindzaweni letitimele.**









# TIHLOKO LETILANDZELANAKO TE-ECCE



Kutfola Imfundvo Kwemntfwana  
Kusukela Asemncane

